



OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Mercedes Queixas Zas, Olalla Rodil Fernández, Montserrat Prado Cores e Iria Carreira Pazos**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, en demanda dun novo Centro de Saúde en Sada.

### EXPOSICIÓN DE MOTIVOS

O Centro de Saúde de Sada (A Coruña) foi inaugurado no ano 1990 e a súa construción estivo envolta nunha gran polémica xa que a parcela estaba situada nun lugar inaccesible para a poboación maior ou con dificultades de mobilidade.

Tres décadas despois a realidade social e demográfica do concello de Sada mudou significativamente. Segundo os datos que ofrece o IGE, mentres que no ano 1990 Sada contaba con 8.796 habitantes, a 1 de xaneiro de 2020 o censo de poboación case dobrou até os 16.186.

Ademais do incremento poboacional tan relevante e da mala ubicación do actual Centro de Saúde, a localidade de Sada precisa de máis e mellores servizos sanitarios porque a poboación estacional en períodos vacacionais supera os 25.000 habitantes.

O goberno da Xunta de Galiza presentou recentemente o Plan de infraestruturas sanitarias aprobado no Consello da Xunta do 29 de outubro de 2021.





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Nese Plan, que prevé a mellora e construción de Centros de Saúde en Galiza, non se menciona Sada nin aparece iniciativa ningunha que poida dar cumprimento a ese obxectivo nin resposta ás necesidades de atención sanitaria deste concello.

O Plan Xeral de Ordenación Municipal de Sada, aprobado o 29 de novembro de 2017, contempla unha nova parcela de equipamento sanitario onde poder construír un novo Centro de Saúde ampliado e accesible, en terreos situados entre o campo de fútbol Andrés Pena e o IES Isaac Díaz Pardo.

A Consellería de Sanidade ten coñecemento desta necesidade e tamén de que existen terreos a disposición para ubicar este equipamento sanitario, polo que entendemos que, segundo demanda e nos traslada a sociedade sadense, se deberá incluír nese plan de infraestruturas a construción dun novo Centro de atención primaria, con maior capacidade que o actual e mellor ubicado, de maneira que sexa accesible para toda a poboación.

Por todo o exposto, o Grupo Parlamentar do BNG presenta a seguinte proposición non de lei para debate en Pleno:

“O Parlamento insta a Xunta de Galiza a incluír no Plan de infraestruturas sanitarias a construción dun novo Centro de Saúde en Sada para dar cobertura ás necesidades sanitarias de toda a poboación.”

Santiago de Compostela, 14 de decembro de 2021





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Asdo.: Mercedes Queixas Zas**

**Montserrat Prado Cores**

**Iria Carreira Pazos**

Deputadas do G.P. do BNG

**Olalla Rodil Fernández**

Viceportavoz do G.P. do BNG

**Asinado dixitalmente por:**

**Olalla Rodil Fernández na data 14/12/2021 16:27:11**

**Iria Carreira Pazos na data 14/12/2021 16:27:15**

**María Montserrat Prado Cores na data 14/12/2021 16:27:25**

**Mercedes Queixas Zas na data 14/12/2021 16:27:35**

